



Publicaziuns officialas dils 21-12-2018

Damondas da baghegiar

Nr. 115/2018

Datum da publicaziun: 21-12-2018
Patrun: Vischnaunca Sumvitg, 7175 Sumvitg
Representant: spacial design, 7166 Trun
Liug e parcella: Quadras Su; 1787
Object: midada d'intent da localitads da scola en habitaziuns

Nr. 122/2018

Datum da publicaziun: 21-12-2018
Patrun: Candinas Gion, 7173 Surrein
Liug e parcella: Clavau Pign; 6450
Object: spazzar il clavau

Nr. 124/2018

Datum da publicaziun: 21-12-2018
Patrun: Candinas Gion Mudest, 7175 Sumvitg
Representant: Hans Herger, 7175 Sumvitg
Liug e parcella: Pardatsch; 6773
Object: construcziun d'ina via e d'in plaz da volver, ulivaziun da terren

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 21-12-2018

Cumissiun da baghegiar

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 116/2018

Gienal-Wieland Alfons artavels, 7175 Sumvitg; sanaziun digl access tier il baghetg nr. 18 sin parcella nr. 1613 a Sumvitg-Via Sursilvana.

Nr. 117/2018

Paul Fry, 7176 Cumpadials; sanaziun dalla scarpa e migliurament digl access sin parcella nr. 6164 a Cumpadials-Unclin.

Nr. 118/2018

Stefania Ritter, 7175 Sumvitg; sanaziun mir schetg sin parcella nr. 6039 a Sumvitg-Laits.

Nr. 120/2018

Vischnaunca Sumvitg, 7175 Sumvitg; montascha da reits da reiver per raunas sin parcella nr. 6057 a Sumvitg-Chischliun.

Nr. 126/2018

Martin Cathomas, 7173 Surrein; sanaziun dils fundaments e dil mir dalla punt nuegl dil baghetg sin parcella nr. 6604 a Surrein-Cuas.

Nr. 127/2018

Sigisbert Schmed e Felix Flepp, 7173 Surrein; lavurs da manteniment vid tetg e preits dil baghetg nr. 382 sin parcella nr. 6502 a Surrein-Prau Bi.

Sumvitg, 21-12-2018

Cumissiu da baghegiar

REFERENDUM FACULTATIV

La radunonza communal dils 15 da december 2018 ha priu denter auter ils suandonts conclus:

- *Tractaziun ed approvaziun dil project habitar@giuven e concessiun dil credit brut da 670'000 francs*
- *Tractaziun ed approvaziun dalla cumpra d'in auto-cistiarna per il corp da pumpiers Sumvitg-Trun e concessiun dil credit brut da 150'000 francs*
- *Tractaziun ed approvaziun dil project sanaziun stans da sittar Plaun Petschen e Sulagval e concessiun dil credit brut da 267'000 francs*

Sura conclus ein sutpost al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 10-01-2019. Il referendum sa buca vegnir retratg.

Sumvitg, 21-12-2018

Suprastonza communal Sumvitg

PREAVIS

Administraziun communal / Comunicaziun

L'administraziun communal resta serrada sur las fiastas da Nadal e Daniev sco suonda:

- naven da venderdis, ils 21-12-2018, allas 17.00 uras, entochen gievgia, ils 27-12-2018 allas 08.00 uras
- naven da venderdis, ils 28-12-2018 allas 17.00 uras, entochen gievgia, ils 03-01-2019 allas 08.00 uras

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 21-12-2018

Administraziun communal

Salids ed auguris per las fiastas da Nadal e Daniev

La suprastonza communal giavischa a Vus, prezias convischinas e prezias convischins, bialas e legrevlas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 21-12-2018

Suprastonza communal Sumvitg

Aperitiv da Daniev

La suprastonza communal envida Vus cordialmein, preziadas convischinas, preziai convischins e preziai hosps ad in aperitiv da Daniev. Communablamein vulein nus far in viva sigl onn niev. Igl aperitiv da Daniev ha liug allas 17.00 uras sin plaz scola a Surrein. La suprastonza communal selegra da beneventar Vus e giavischa gia uss ina buna ruschnada egl onn niev.

Sumvitg, 21-12-2018

Suprastonza communal Sumvitg

Uffeci civil Surselva

Mortoris

Tuor-Desax Julia, naschida ils 07-03-1932, morta ils 10-12-2018, stada sesenta a Rabius.

Sumvitg, 21-12-2018

Controlla da habitonts

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 21-12-2018

Departament stradal

Sentupada d'advent

Sin Plaz Cadruvi a Surrein

Dumengia, ils 23 da december allas 17.30. Suppa da giutta, fondue, vin cauld ed auter. Cordial bienvegni a tuts vischins fa la suprastonza dil vischinadi

Entschatta exerchezis Societad da musica Surrein/Rabius

Preziadas convischinas, preziai convischins

Sonda, ils 12-1-2019, allas 20.00 entschevin a Surrein cun ils exerchezis pil concert primavaun dils 18/19-5-2019. Has interess da far musica cun nus? Lu s'annunzia tier in/a musicant/a, tiel dirigent Claudio Carigiet (079 229 29 44) ni la presidenta Martina Berther (079 460 28 43, smsurrein-rabius@outlook.com). Nus selegrein sin tia viseta e tiu sustegn en nossa cumpignia.

Salids musicals, la Societad da musica Surrein/Rabius

Glisch dalla pasch a Rabius

Dumengia, ils 23-12-2018 allas 17.00 porta l'uniun da dunnas la glisch dalla pasch en baselgia. Nus celebren ensemen ina devoziun e repartin suenter a tuts la glisch. Sco gia informau el decuors dil temps d'advent, ein l'uniun da dunnas ed il hotel «Greina» semess ensemen per sustener finanzielmein l'instituziun Wunderlampe. Ella possibilitescha d'ademplier als affons grev malsaus in ni l'auter giavisch fervent. Perquei lein nus envidar Vus tuts da vegnir e star ensemen in mument cun nus suenter la devoziun el hotel «Greina». Nus engraziein gia ordavon per Vies sustegn.

*Uniun da dunnas Rabius cun
Andreas e Barbara Baselgia*

Scola da hockey sin glatsch e patinar dalla Banca Cantunala

Uonn organischescha l'Uniun da scursalets Trun per la 21avla gada la scola da hockey sin glatsch dalla Banca Cantunala per buobs e buobas naven da quater onns ensi. Per separticipar drova ei ina capellina dad ir cun skis ni da hockey e patinas. Las patinas san vegnir affittadas. Ils trenaments ein mitgamai la mesjamna dallas 17.00–18.00 e la sonda dallas 11.00–12.00. Tgi che ha talent e plascher sa era trenar ulteriuramein la mesjamna dallas 18.00 cun ils scolars che dattan hockey. Igl uorden da hockey sa per part medemamein vegnir affittaus.

Liug: Patinera Trun

Datum: Mintga mesjamna, dallas 17.00–18.00 e per tgi che ha interess mintga la sonda dallas 11.00–12.00

Informaziuns: Uniun da scursalets Trun, Silvio Albin, Via Splecs 26, 7166 Trun,
076 435 14 42 ni per mail: salbin@sunrise.ch ni sut: www.udstrun.ch